

SAKSPAPIR

Saksnr	Utval	Type	Dato
022/18	Kommunestyret	PS	22.03.2018

Saksbehandlar	ArkivsakID
Tove Mette Arnø Fyllingen	17/3731

Melding/orientering til kommunestyret 22.03.2018

Vedlegg :

Kontrollrapport 2017 vedrørende skatteoppkreverfunksjonen for Lindås kommune Forskrift om samanslåing av Lindås, Meland og Radøy kommun(1) (L)(328843) Forskrift om samanslåing av Lindås kommune, Meland kommune(1) (L)(328845) VS Årsmelding 2017 frå Bergen tingrett protokoll eo generalforsamling 1.3.18 Protokoll PSU 08.03.2018 Protokoll fellesnemnda 12.03.2018

Rådmannen sitt framlegg til vedtak

Meldinga vert teke til orientering.

.....

Kommunestyret - 022/18

KO - behandling:

Orienteringar i møtet:

- Alver kommune ved rådmann Ørjan Raknes Forthun
- Aktuelle saker frå helseutvalet i regionrådet ved ordførar Astrid Aarhus Byrknes

Rådmannen sitt framlegg vart samrøystes vedteke.

KO - vedtak:

Meldinga er teke til orientering.

Interpellasjon frå Alver FRP ved Nina Øvreås:

Innfør samboergaranti i Lindås kommune

Fremskrittspartiet mener det er en selvfølge at ektepar eller samboere skal få lov til å tilbringe hele livet sammen, også etter at en av dem får behov for plass på sykehjem. Å få leve med sin ektefelle eller samboer også når man blir gammel og får store hjelpebehov betyr mye for livsgleden, trygghetsfølelsen og for å kunne være sjef i eget liv. Det er en

trygghet de eldre i Lindås kommune fortjener. Det vil samtidig bidra til å forebygge ensomhet. Det må legges til rette for sterkere brukermedvirkning og man må forsøke å unngå alle tendenser til umyndiggjøring, også når behovet for hjelp og omsorg øker.

Selv om en samboergaranti kan medføre en ekstra beboer i avdelingen er det ikke å komme bort fra at ektefelle eller samboer også må sees som en ressurs. Samtidig er det ved innføring av en samboergaranti viktig å understreke at dette skal være en frivillig ordning for begge ektefellene eller samboerne. Viktig er det også at ektefellene får bo på samme rom om de ønsker.

Regjeringen v/helseministeren har offentlig oppfordret norske kommuner til å innføre en garanti når minst én av ektefellene har omsorgsbehov. Flere kommuner har gjort nettopp det.

Er det muligheter for at:

1. Ektepar eller samboere hvor begge har ønske om å bo sammen på sykehjem, skal få mulighet til det. Det skal gjelde selv om bare den ene har vedtak om langtidsplass. Den aktuelle ektefelle eller samboer som vil flytte inn på sykehjem må da søke korttidsopphold. Korttidsopphold innvilges med varighet så lenge ektefelle eller samboer med langtidsopphold har behov for langtidsopphold. Det kreves egenandel for ektefelle eller samboer uten vedtak om langtidsplass etter gjeldende satser for korttidsopphold.
2. Det kan utarbeides retningslinjer for betaling og praktisering av samboergarantien?

Svar frå ordførar:

Lindås kommune har retningslinjer med sambuargaranti for dei som fyller kriteria for omsorgsbustad pluss. I omsorgsbustad pluss har vi bustader tilrettelagt for ektepar/sambuarar.

Omsorgsbustad pluss er eit tilbod til dei som ikkje har behov for sjukeheimplass, men likevel ikkje klarar å bu heime i eigen bustad. Dette er eit butilbod med bemanning heile døgnet. Søkar til omsorgsbustad pluss må ha eit omfattande behov for helse- og omsorgstenester gjennom døgnet på grunn av nedsett funksjonsevne, fysiske eller psykiske helseplager. Dersom ektefeller eller sambuarar søker om å bu saman i bustaden er det tilstrekkeleg at ein av søkarane fyller kriteria i retningslinja. Føresetnaden er at tildelt bustad er eigna for to personar. Når det bur to personar i bustaden medfører det eit tillegg i husleige for tida på kr. 500,- pr. måned. Dersom leigetakar dør eller flyttar, vert ikkje leigeforholdet automatisk overført til attlevande/attbuande ektefelle/sambuar. Attlevande/attbuande ektefelle/sambuar som søker om omsorgsbustad/omsorgsbustad pluss vert vurdert etter kriteria i retningslinja. (Retningslinjene ligg på Lindås kommune si heimeside)

Sjukeheimplass (korttidsplass/langtidsplass): Ektepar/sambuarar får tilbod om dobbeltrom i sjukeheim. Det er 4 dobbel rom på Knarvik sjukeheim.

Pårørande/ektefelle/sambuar får alltid tilbod om å bu på sjukeheimen når pasienten er dårleg og alltid i siste fase av livet. Dette enten i same rom eller på eit «pårørandeom» om ønskeleg.

Vi meiner det ikkje er hensiktsmessig og gi korttidsplass til personar/ektefeller som ikkje fyller kriteria for korttidsplass. Det vil gå på bekostning av andre som treng plass. Dei økonomiske rammene er i dag ikkje tilstades for å gi slik garanti i sjukeheim.

Interpellasjon frå Lindås Senterparti ved Anna K.Valle:

Den 10. august 2013 var det stor festivitas i og rundt Lindås-slusene. Lindås kommune og Stiftinga Kystsogevekene inviterte til opning av årets kystsogeveker og til opning av dei restaurerte Lindås sjøsluser. Bakgrunnen for opninga av slusene var at sluseportane - etter fleire års restaureringsarbeid – no var på plass att. I programheftet for Kystsogevekene 2013 er hendinga karakterisert som ein «**kystkulturell festdag**».

Sidan august 2013 har lite skjedd med og rundt slusene, men i 2017 vart det skipa ein interesseorganisasjon med namn : **Lindås Slusene** , som har følgjande føremål : ***Lindås Slusene vil arbeide for å skape ny aktivitet rundt slusene og Lindås-osane ved å samarbeide med eksisterende lag og bedrifter, samt kommuner, Hordaland Fylke og andre offentlige***

instanser. (Brønnøysundregisteret). Styret for «Lindås Slusene» er personar med bakgrunn frå næringsliv, politikk og organisasjonsliv og dei er opptekne av å gjera sluseområdet tilgjengeleg for folk, samt å kunna visa korleis slusene fungerte og - på lenger sikt – få sluseanlegget i funksjonell stand for trafikk.

Både kulturhistorisk og i reiselivssamanheng er dette eit interessant og viktig anlegg. Kystverket og Hordaland fylkeskommune viser stor interesse for sluseprosjektet, og **bidreg både med kunnskap og økonomiske midlar.** Lindås kommune er **ansvarleg for vedlikehaldet av slusene** og har reguleringsmynde, og skal arbeidet koma vidare er det avgjerande at også kommunen er ein aktiv medspelar.

Lindås Senterparti ønskjer svar på følgjande spørsmål:

Har Lindås kommune ein plan for vedlikehaldet av slusene ?

Korleis kan Lindås kommune bidra til at sluseområdet kan utviklast, t.d. innafør reiseliv ?

Vil Lindås kommune t.d. ta kostnaden med å utarbeida reguleringsplan for området ?

Og kva kan eventuell tidsramme for eit reguleringsarbeid verta ?

Kor ligg det organisatoriske ansvaret i Lindås kommune for vedlikehald og utvikling av sluseanlegget ?

Svar frå ordførar:

Innleiing:

Lindås sjøsluser, bygd i 1908, er eit unikt og viktig kulturhistorisk anlegg for Lindås, og det er definert som eit kulturminne. Sjølve det tekniske anlegget blir i dag eigd av Kystverket og det er ein privat grunneigar. Frå gammalt av hadde Lindås kommune eit vedlikehald- og driftsansvar, men det er Kystverket som i dag har det formelle ansvaret for drift og vedlikehald. Lindås kommune har likevel dei siste åra vore opptatt av å ta eit ansvar for å bevare dette anlegget. Gjennom prosjektet «Den indre farleia» rundt år 2000 gav kommunen økonomisk støtte over fleire år for å sikre anlegget på best mulig måte. Lindås sjøsluser av eitt av prosjekta i den indre farleia.

Etter lengre tids restaureringsarbeid blei sjøslusene opna i 2013 i samband med Kystsogevekene. Finansiering av dette var eit spleiselag mellom kommune, Kystverket og Hordaland Fylkeskommune. Under opninga blei det avdekka utfordringar knytt til det å få opna og lukka slusene. Utfordringa var grus i slusekammeret. I etterkant av opninga har det vore dialog mellom aktørane for å prøve å finne gode løysingar på denne utfordringa. I starten av 2017 vedtok kommunestyret i Lindås å sette av kr 380.000 av vedlikehaldsmidlane

til regjeringa, til å sjekke ut forholda på botn vedr. grus og til fending av anlegget for å skape ei god sikring . Dette prosjektet er sett i gong.

For å avklare korleis ein skal vedlikehalde anlegget og utvikle området, har kommunen tatt initiativ til ein overordna dialog med Kystverket og Hordaland Fylkeskommune. Det er viktig å avklare ambisjonane og få på plass ei rolleavklaring på kven som gjer kva. Som ordførar ønskjer eg også å sette denne saka på dagsorden i budsjettprosessen i vår, slik at vi kan drøfte kva rolle kommunen kan ta og kva for kortsiktige og langsiktige tiltak det er mulig å prioritere. Vi vil også sjekke ut om det er muligheit for å gjennomføre midlertidige tiltak for sommarsesongen 2018.

Det er flott at interesseorganisasjonen Lindåsslusenes vener er etablert. Eg set stor pris på det engasjementet og har i møte med desse eldsjelenes også sagt at vi ynskjer samarbeid. Det er viktig at det kjem fleire aktørar som ønskjer å utvikle slusene, og at det er frivillig krefter som engasjerer seg. Vi ønskjer dei velkommen og Lindås kommune vil ha tett dialog og eit godt samarbeid.

Så til spørsmåla:

Lindås Senterparti ønskjer svar på følgjande spørsmål:

Har Lindås kommune ein plan for vedlikehaldet av slusene ?

Svar: Kommunen har ikkje ein vedlikehaldsplan for slusene. Gjennom restaureringsprosjektet i forkant av 2013 blei det bestilt ein vedlikehaldsplan for sluseanlegget. Det er Dåfjorden verft som har oppdraget og planen er bestilt gjennom Kystverket som er eigar av anlegget. Det er ikkje kjent om denne vedlikehaldsplanen er ferdig, kommunen har ikkje motteke noko, men har etterspurd denne.

Korleis kan Lindås kommune bidra til at sluseområdet kan utviklast, t.d. innafør reiseliv ?

Svar: Før vi kan seie kva Lindås kommune kan bidra med, er det viktig å avklare roller og ansvar for det vidare arbeidet. Det er mange aktørar som er interessert å utvikle området vidare, men det er viktig å få på plass ein plan der aktørane forpliktar seg. Dette kan til dømes skje gjennom ein forvaltningsplan eller ein næringsplan. Lindås kommune er med i eit samarbeid med Bergen Reiselivslag og dei har vist interesse for å utvikle slusene til eit reiselivsmål noko vi applauderer. Når roller og ansvar er avklart, kan vi sjå på mogleheiter med å utarbeide ein intesjonsplan i fyrste omgang.

Vil Lindås kommune t.d. ta kostnaden med å utarbeida reguleringsplan for området ?

Svar: Lindås kommune er ikkje grunneigar for dette området og det er ikkje prioritert å utarbeide ein reguleringsplan for slusene i kommunen sin planstrategi. I kommunedelplan for Lurefjorden, Lygra og Lindåsosane er det definert kva for arealføremål det er i dette området.

Og kva kan eventuell tidsramme for eit reguleringsarbeid verta ?

Svar: Det er vanskelig å svare på ettersom det ikkje er prioritert å utarbeide ein slik plan.

Kor ligg det organisatoriske ansvaret i Lindås kommune for vedlikehald og utvikling av sluseanlegget ?

Svar: Lindås kommune har ikkje eit formelt ansvar for vedlikehald og utvikling av slusene, og har difor ikkje plassert eit ansvar inn i organisasjonen. Men tilsette frå Lindås kommune har deltatt i ulike utviklings- og restaureringsprosjekt opp gjennom åra.

Saksopplysningar:

Saka skal avgjerast i kommunestyret

Orienteringar:

- Alver kommune
- Aktuelle saker frå helseutvalet i regionrådet ved ordførar

KS: <http://www.ks.no/fagomrader/samfunn-og-demokrati/lokaldemokrati-og-folkevalgt/>

Vedlegg:

- Kontrollrapport 2017 vedrørende skatteoppkreverfunksjonen for Lindås kommune
 - Forskrift om samanslåing av Lindås, Meland og Radøy kommune
 - Forskrift om samanslåing av Lindås kommune, Meland kommune
 - Årsmelding 2017 frå Bergen tingrett
 - Protokoll eo generalforsamling 1.3.18
 - Protokoll PSU 08.03.2018
 - Protokoll fellesnemnda 12.03.2018
-